

ISƏ KUƳƳƳTUTU TELEŠULU APITIYAASI TƏM TAKƏLAYA

Kutulu

Takəlaya kanε ka ηmaalv kεεsa Isav lɔlvɔ nyəma Itəm nyəma təm. Paa caaki Yakərv lɔlvɔ nyəma Iseɣeli nyəma, pa luki-wεɣε koloηa kέ. Ama Isə ká hɔvna ι yəlaa Iseɣeli nyəma nəɣɔ, na í hεεsi pa laηa.

Isəna pa faɣa Apitiyaasi takəlaya tɔ:

Tacaa hɔvkəna Itəm nyəma, kukalvtv 1-14

Tacaa kuyaku səsəv, kukalvtv 15-21

¹ Təm nti Tacaa Isə kulaa na í hɔli Apitiyaasi si, í yəɣvti Itəm tetv nyəma təv təɣəv.

Tacaa kpaalvɣv ke Itəm ncaale təm

Pa tila tillu ke piitimnaa hεkv.

Tə nu ι yəɣvti Tacaa təm si:

ι kulι, na tε yovna Itəm nyəma.

² Mpygy Tacaa yəɣvti Itəm si:

Maa la-η waali tv ke piitimnaa lɔlaa taa.

Paa nyəni-η yem.

³ N caɣa hatoo kukraməη hεkv,

timpi nəɣəlv u taki tɔ.

Kalampraani kuvv-η si,

nəɣəlv kaa ləsi-η təna.

⁴ Paa n ká kra isəttaa isu hεkəle,

na η tv nyá tante ke isətvlvηasi taa,

isu ma tisa-η təna.

Tacaa má, ma yəɣvtəna mpv.

⁵ Ye ηmulaa svv nyá tεɣε aηoo,

pa kuu pə təna mpi pa pəsəyi təyə,
na pə yele-η kpete.

Ye kontaa sɔv nyá taale taa,
kumkum tike ke pi kaasi-η.

⁶ Isav nyóma me,

mə kolontunaa yasa mə wɛnav taa na pá kuu-wi.

⁷ Məna mpa i ka pɛela nəɔsi tə,

pa təyənəyi-meyɛ mə tetɔnaa taa ké.

Mə cewaa luki mə waali.

Mə taapalaa na ηmakəliyi-me.

Məna mpa í ka kaawa nyənaya tə,

pa sɔv-meyɛ katəsi nyəpɔ.

Pa tɔvki-me si í fei ləmayasɛɛ.

⁸ Tacaá má, ma tɔ ma taa si,

maa kpiisi Itəm layatɔnaa tənaya kuyaku ηku.

Maa kpiisi mə layatɔ təna.

⁹ Səyɔntɔ ká kra Temaη icate yoolaa.

Pa kɔ Itəm yoolaa təna.

Itəm nyóma waawa Isɛyeli nyóma wahala taa

¹⁰ Mpyó Tacaá yəyɔtaa si:

Pi kpiisi Itəm nyóma me.

Fɛɛɛ ka pi-meyɛ teu.

Mpi tə, í kó mə tɛɛtɔnaa

Yakəpɔ lɔlɔyɔ nyóma,

na í kuu pa wontu.

¹¹ Waatɔ wei kolontunaa kəla-me,

na pá sɔv mə icate taa tə, i ka wɛ təna.

Halɪ pa tə tɛtɛ ké Yosalem wɛnav tɔɔ tə,

mə na-weyɛ.

¹²⁻¹³ Pə taa mɔna si,

í sɔv pa icate taa,

na mə isentaa hetəna pa wahala.

I krasa aməkoyɔ na pa hotuyɔ,

na í tuv-weyε pa konyantɔɔle waatu.
Haləna í kuu pa wənav isu pa kolontunaa.

14 I səha mrahela na í kuyi selaa.

Yaa í tugi-weyε pa kolontunaa nin taa
ké pa wahala wule.

15 Kuyaku ŋku Tacaa ká huuna yəlaa tɔ ku kpegetaa ké.
Isayatu nti í lapa tɔ, tu məli mə nyɔɔŋ taa.
Paa lana-me isu mə lapənav-we tɔ.

Iseyeli nyóma leetəyi Itəm nyóma

16 Ḿpóyó Tacaa tasaa si:

Iseyeli nyóma me,
í tema ma rááná kəpu nyɔɔu ke
ma puɔu nanŋ nyəŋku tɔɔ.
Yəlaa lelaa ná kaa te a nyɔɔu.

Paa nyɔɔ-yeyε ḿpóyó,
ilena pə kpiisi-we na pá saali yem.

17 Ama mpa pu kaasi tɔ paa cɔɔsi Siyən puɔu taa.
Ku pəsi Isə puɔu.

Yakəpu lulɔyɔ nyóma ká leeki tetu ke tɔ mɔlaa nin taa.

18 Ilena Yakəpu na Yosεefu pa lulɔyɔ
nyóma pəsi isu kəkɔ,
na ká nyaga Isau lulɔyɔ
nyóma isu nyutu.

Pu wakəli-we tənəŋnanŋ,
pə kaa sɔɔ paa kulɔm.

Tacaa má, ma yəɔtəna mpu.

Paa leeki pəcɔlo tetvnaa

19 Yuta nyóma ká təɔna Itəm tetu na ilim mpətəŋ
tɔɔ. Paa təɔɔ Filiisi nyóma tetu hɔɔlɔyɔ tetekəle,
na Ifəlayim nyóma tetu ke Samalii. Ilena Pəncamεε
nyóma náá təɔɔ Kalaati.

²⁰ Iseγeli nyóma mpa pa kuuwa na pá tɛɛna tɔ, pa taa yoolaa kɔpama ká lɛɛki Fenisii tetu. Haləna pə polo Salepəta ɪcate. Yosalem nyóma mpa pa kuuwa na pá wɛ Sefalati tɔ, pɛɛ paa tɔγɔ ilim mpətəŋ tɔɔ acaɛɛ. ²¹ Pa kɛ akanaa kɛ. Paa nyəkəli Siyɔŋ puγu na pá caγa təna. Paa tɔγɔ Itəm nyóma tɔɔ.

Tacaa ká tɔγɔna ɪ yəlaa tɔɔ kɛ kawulaya.

PHIPI LI ISO TOM TAKELAYA
Portions of the Holy Bible in the Lokpa language of
Benin

copyright © 1999 SIM

Language: Lokpa (Lukpa)

Translation by: SIM

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-10-16

PDF generated using Haiola and XeLaTeX on 11 Nov 2022 from source files dated 9 Oct 2020

ef14191a-91f7-51c1-ac89-7b93dd7c4377